

買機器每日聽BB心跳 陪連詩雅產檢 陳家樂喊足三次

■周家怡與陳家樂
落力宣傳新片。



■志偉與恬妞是老
拍檔，默契十足。



■方力申於片中演許靖韻
男友。

快將做爸爸的陳家樂心情緊張又興奮，前晚出席活動時踢爆太太連詩雅貪靚怕肥，公開呼籲大家見到他太太時，要叫她多吃東西。他承認之前陪太太產檢時感動到喊，但現在已知胎兒性別，已不會再哭。

電影《出租人》

前晚舉行慈善首映，演員曾志偉、恬妞、陳家樂、周家怡、方力申，


以及英皇集團主席楊受成與及太太陸小曼等出席。準爸爸陳家樂透露太太連詩雅懷孕近5個月，為保持神秘暫不公開性別：「陳太（連詩雅）依家好緊張，買咗一部機器每日聽BB心跳。」他指太太預產期在7月中，那段時間他有機會離港工作，故已請了陪月。問到喜歡仔還是女？他笑言仔女都鍾意，即使生女都可以陪他睇波：「我爸爸、爺爺對我同我個妹係兩種性格，大概我都睇到自己會點，生女應該會賴晒嘢！」他公開投訴太太一向食量少，即使懷胎都吃不多：「佢怕太肥上鏡唔好睇。」家樂希望大家見到陳太時，幫忙叮囑她多吃一點。

提到連詩雅之前爆他陪產檢時哭了出來，家樂尷尬說：「產檢係開心嘅，未入去前醫生已經同我講，通常爸爸都會喊一次，我同醫生講放心我唔會喊，但第一次已經喊咗，到第二、第三次都喊，醫生話我都幾喊得，終於第四次就有喊，因為知道性別，我唔喊喇！」家樂想過入產房陪太太生產，也希望拍片，但未知太太意願：「總之唔想佢有太大壓力。」

許靖韻銀幕初吻獻方力申

恬妞對上一部拍的港產片是3年多前的《如珠如寶》，志偉笑言與恬妞合作無間：「我第一部戲去台灣做男主角，就係同佢拍，當時我高攀佢。之後我做老闆拍《小小小警察》，又搵佢做女主角，淵源幾深。」他坦言今次戲中的對手要很有默契，故想起恬妞。他又稱以前拍戲通常追不到恬妞，今次終做夫妻，雖然已七八年沒合作，但覺得恬妞依然漂亮。恬妞則讚志偉比以前成熟，提到志偉已是TVB總經理，她說：「係佢努力得番嚟。」

周家怡與家樂老友鬼鬼，問她會否做BB契媽？她笑言要看緣分，因她已有四個契仔、兩個契女。而許靖韻與方力申於片中演情侶，並獻出銀幕初吻。問到小方是否好咗？她笑說：「都錫咗好多秒，感覺好好，拍咗幾個角度。」



■許靖韻（右）
搶去艾妮風頭，
露小蠻腰。

古天樂驚喜現身 表揚前輩



■周聰（右）非常欣賞古天樂。

香港演藝人協會昨日舉行春茗茶聚，過百會員踴躍出席。席間頒發「傑出演藝大獎」，今年由余金珠、徐廣林、高爾珩、周聰榮膺獎項，會長古天樂驚喜現身做頒獎嘉賓。周聰表示：「我真欣賞演藝人協會，特別欣賞古天樂先生，我擦鞋擦咗幾十年，我估古天樂先生心裏有個願望，係搞演藝人協會轄下老人院。」古天樂表示很榮幸頒獎給前輩，大讚每位得獎藝人都實至名歸，問到是否想搞老人院？他說：「我都估唔到，因為係非常複雜，我盡力啦。」

謝東閔 被迫「家暴」女友



■謝東閔笑言要請教黃美棋籌備婚禮的心得。

謝東閔與黃美棋昨日宣傳《2024 UCI 國家盃場地單車賽（中國香港）》，下月結婚的黃美棋透露現在要積極減肥兼繫肚，目的是穿上靚靚婚紗：「冇預計有好多嘢要做，好彩婚禮另一半都有參與，唔係全部我負責。」問到可有與未來老公吵架？她笑言：「真係有，例如大家打算開30席，但佢發現多咗5席，就提我婚紗裙襖唔好太大，唔好令場地顯得太窄。印喜帖大家又有唔同意見，有時令到自己好攞攞，不過都知佢係講道理，從來冇鬧我。」

謝東閔表示搞婚禮有很多事要準備，要向美棋學習。問他是否也好事近？他笑言有好消息便會公布。提到女友朱智賢近期不時上載家居搞笑短片，謝東閔承認幫手拍攝：「我有掙佢毛巾同掌佢嘴，搞到其他人以為家暴，其實我都係被迫，鏡頭後大家唔知發生咩事。」

莫文蔚與神秘巨星合作

莫文蔚於電影《食神》的火雞姐形象令觀眾難忘，昨日她重返28年前電影拍攝的菜館出席剪綵活動，勾起不少開心回憶。她說：「28年前我晚晚喺度開工，我第一次埋位，大家都未見過『火雞姐』，我由樓上化好妝落樓，被人以為我係路人甲趕我走，所以好成功，演出時好有信心！」去年她參與一部大製作，但一直要保密，只能透露角色是她從未演過，更與一位天王巨星合作，她說：「今次好靚，好有氣勢嗰種！」談到周星馳籌拍《女足》，她笑言：「如果我做就做魔鬼教練，做球員就唔好預我，留番後生落場！」



■莫文蔚演火雞
姐深入民心。